

Vedtekter for Kvam Arbeidarparti

Vedtekne på ekstraordinært årsmøte 4.12.2012

§ 1. Formål

Kvam Arbeidarparti skal arbeida for Arbeidarpartiet etter dei retningslinjene som partiet har lagt fram i program, lover og vedtak.

§ 2. Organisasjonen si oppbygging

Medlemsmøtet er Kvam Arbeiderparti sitt høgaste organ mellom årsmøta. Det er årsmøte i Kvam Arbeiderparti som avgjer kommunepartiet si organisasjonsoppbygging.

§ 3. Årsmøte

1. Til årsmøtet i Kvam Arbeidarparti vert alle medlemmer med tale- og forslagsrett invitert.

2. Kvam Arbeidarparti held årsmøte i rimeleg tid før Hordaland Arbeidarparti sitt årsmøte. Årsmøtet må kunngjerast minst 4 veker i førevegen.

3. Årsmøtet behandlar årsmelding frå styret og heradsstyregruppa. Vidare skal rekneskap, budsjett for kommande år og innkomne forslag behandlast. Styremedlemmene har ikkje røysterett på årsmøtet ved behandlinga av årsmelding og rekneskap.

4. Ekstraordinært årsmøte vert avhelde når medlemsmøtet avgjer det. Ekstraordinært årsmøte skal kunngjerast minst 4 veker i førevegen, og møtet kan berre handsama dei saker som framgår av saklista ved kunngjering om ekstraordinært årsmøte.

5. Utsendingar til årsmøtet i Hordaland Arbeidarparti, revisorar vert valde på årsmøtet. Ei valnemnd førebur vala. Styret legg gram forslag til valnemnd.

§ 4. Medlemsmøte

1. Medlemsmøtet har det høgste mynde i Kvam Arbeidarparti mellom årsmøta og tek avgjersle i alle saker som ikkje er lagt til partistyret eller heradsstyregruppa.

2. Medlemsmøte vert halde så ofte styret bestemmer det eller når heradsstyregruppa ber om det.

3. Alle medlemmer i Kvam Arbeiderparti har stemmerett i medlemsmøtet.

4. Medlemmer av partiet si heradsstyregruppa skal ta del i medlemsmøtet.

5. Når medlemsmøtet handsamar kommunale saker, skal heradsstyregruppa fremja innstilling i den enkelte sak.

§ 5. Styret

1. Styret i Kvam Arbeidarparti har 7 medlemmer. Mellom desse er leiar, nestleiar, kasserar, studieleiar, sekretær og kvinnekontakt. Kvinnekontakten skal ha ansvar for kvinnenettverket i kommunepartiet. Styret vert vald for eit år om gongen. Til styret skal det veljast 5 varamedlemmer for 1 år.

38 2. Ein representant for AUF i Kvam tiltrer styret med tale-, forslags- og røysterett. Om
39 det er fleire AUF-lag i kommunen, vert AUF-representanten vald i eit felles AUF-
40 styremøte.

41 3. Styret leiar partiarbeidet i kommunen og skal sikra ein god kontakt mellom
42 heradsstyregruppa og medlemmene. Leiaren i heradsstyregruppa og medlem i
43 fylkestingsgruppa skal kallast inn til styremøte. Styret vel representantar til regionsmøter
44 og –konferansar.

45 **§ 6. Nominasjon til kommunestyreval**

46 1. Styret i Hordaland Arbeidarparti fastset tidsfristane for nominasjonsprosessen.

47 2. Medlemsmøtet vel ei nominasjonsnemnd på 5 medlemmer med varamedlemmer etter
48 forslag frå styret.

49 3. Styret ber medlemmene innan ein fastsett frist å senda nominasjonsnemnda forslag på
50 medlemmer dei ynskjer nominert. kor frist.

51 4. Nominasjonsnemnda arbeider ut eit førebels forslag til liste som skal offentleggjerast
52 for medlemmene. Listeforslaget skal òg omfatta forslag på ordførar og varaordførar.

53 5. Medlemmene skal innan nærare fastsett tidsfrist senda sine endringsforslag til
54 nominasjonsnemnda.

55 6. Medlemsmøtet føreteik den endelege nominasjonen på eit eige nominasjonsmøte. På
56 nominasjonsmøtet legg nominasjonsnemnda fram sitt endelege forslag til liste der dei
57 endringsforslaga nemnda har slutta seg til, er innarbeidde. Før det tek til med sjølve
58 nominasjonen, fastset nominasjonsmøtet kor mange som skal kumulerast/uthevast.
59 Ordførar og varaordførar vert nominert først. Dei skal uthevast.

60 7. Kommuneval-programmet må sluttbehandlast før nominasjonane vert gjorde.

61 8. Rådgjevande avstemning over kandidatane kan haldast, før nominasjonsnemnda
62 fremmer sitt fyrste nummererte listeforslag.

63 9. Eit medlem av nominasjonsnemnda er å sjå som inhabil når han/ho er foreslått
64 nominert. Nominasjonsnemnda skal vurdere vedkomande sin habilitet når han/ho er eller
65 har vore gift eller sambuar med foreslått person. I høve der eit medlem av
66 nominasjonsnemnda vert vurdert som inhabil, skal vedkomande tre ut av nemnda og
67 varamedlem trer inn som nytt fast medlem i nemnda.

68 10. Ved nominasjonen kan det ikkje stillast opp kandidatar som tek atterhald om å stå
69 fritt i visse saker, og møtet kan heller ikkje gje slikt tilsegn.

70 **§ 7. Heradsstyregruppa**

71 1. Etter eit heradsstyreval skal styret så snart råd er kalla inn partiet sine representantar
72 i det nye heradsstyret til eit fellesmøte med styret for å konstituere heradsstyregruppa.

73 2. Styret og heradsstyregruppa innstiller i fellesskap overfor medlemsmøte på partiet
74 sine kandidatar til formannskap og andre styrer, råd og utval.

75 3. Styret gjev fullmakt til ein forhandlingsdelegasjon som på vegne av Kvam
76 Arbeiderparti skal forhandla fram posisjonar i forkant av konstituering av heradsstyre.
77 Partiet sin ordførarkandidat skal vera ein del av forhandlingsdelgasjonen. Fullmaktene

- 78 skal gje rammer og strategi for forhandlingane. Forhandlingsdelegasjonen skal leggja
79 fram innstilling som vert handsama av medlemsmøtet i Kvam Arbeiderparti.
- 80 4. Heradsstyregruppa skal i samarbeid med styret arbeida etter partiprogrammet,
81 vedtekter og vedtak. Gruppa er ansvarleg overfor Kvam Arbeidarparti.
- 82 5. Leiaren i Kvam Arbeidarparti og inntil to andre styremedlemmer utpeika av partistyret,
83 tilttrer heradsstyregruppa med tale-, forslags- og røysterett. Det siste medlemmet i
84 heradsstyregruppa vert tilført gruppa i dei høve den før tilførsel er i partal, slik at
85 heradsstyregruppa kan ta fleirtalsavgjersler.
- 86 6. Heradsstyregruppa held møte så ofte det trengst og skal framfor kvart møte i
87 heradsstyret gå gjennom saklista for møtet.
- 88 7. Det skal førast protokoll på møta til heradsstyregruppa. Gruppa legg fram ei
89 årsmelding på årsmøtet til Kvam Arbeidarparti.
- 90 8. Vedtak i heradsstyregruppa eller i Kvam Arbeidarparti er bindande. Ønskjer nokon å
91 stå fritt i slike vedtak, må heradsstyregruppa eller medlemsmøtet ta avgjersla om dette.
- 92 9. Dei som i følgje kommunelova er ugilde ved behandlinga av ei sak, kan ikkje delta i
93 røystingar i saka i heradsstyregruppa eller i partiorganane elles.
- 94 10. Partirepresentantane i kommunale styre og utval skal danna grupper. Desse
95 gruppene skal organiserast og arbeida etter dei reglane som er fastsette for
96 heradsstyregruppa under punkta 3 - 8.
- 97 11. Styret skal i samarbeid med heradsstyregruppa syta for at det vert halde fellesmøte
98 med partirepresentantane i kommunale styre og utval for å fremja eit godt og
99 planmessig samarbeid mellom gruppene.
- 100 12. Kommunale saker skal behandlast av medlemsmøtet når heradsstyregruppa ber om
101 det, eit fleirtal i heradsstyregruppa krev det, når styret gjer vedtak om det eller når
102 medlemsmøtet ber om det.

103 **§ 8. Revisjon**

104 Årsmøtet vel 2 revisorar med vararevisorar. Desse reviderer rekneskapen og gjev
105 innstilling til årsmøtet og til fylkespartiet.

106 **§ 9. Kontingenten**

107 Landsmøtet i Arbeiderpartiet fastset kor stor del av kontingenten som skal tilfalla
108 kommunepartia.

109 **§ 10. Vedtekter**

110 Vedtektene vert vedtekne av årsmøtet i Kvam Arbeidarparti og byggjer på
111 Arbeiderpartiet sine vedtekter og retningslinjer og må ikkje stå i strid med dei.
112 Desse vedtektene gjeld så snart dei er godkjende av styret i Hordaland Arbeidarparti. I
113 tilfelle Kvam Arbeidarparti vert oppløyst eller gjeve eit anna formål enn det som er
114 fastsett i § 1, skal midlar og eigedom tilfalla Hordaland Arbeidarparti.

115 **§ 11. Rådgevinge uravstemning**

- 116 1. Medlemsmøtet kan vedta å søkja råd i viktige politiske og organisatoriske saker i
117 form av rådgevinge uravstemning blant partiet sine medlemmer.

- 118 2. Styret har ansvaret for at det vert utarbeidd eit grunnlag for avgjersla som i
119 tilstrekkeleg grad utgreier saka som skal avgjerast.
- 120 3. Styret har ansvaret for at uravstemning vert gjennomført på ein forsvarleg måte,
121 etter nærare retningslinjer fastsett av medlemsmøtet.
- 122 4. Vurdering av rådgjevande uravstemning skal alltid gjerast i forkant av
123 handsaming av saker.

124 **§ 12. Kvinnekontakt på kommunenivå**

- 125 Organisering av kvinnenettverket på kommunenivå vert regulert av retningslinjene for
126 Arbeiderpartiet sitt kvinnenettverk.